

www.BibleForChildren.org

San Mateo 26



Chikwase
tonati achto
de pewas n
ilwitl de Paskua,
Jesús oyá Betania, kan
ochantitoka n Lázaro,
akin Jesús okiyoliti.

Ijkuakó María okualík kemi tlajko
litro ajwiálistli de nardo non tlawel
patio, iwa okinmajwiali ikxiwah n
Jesús, otlanki okinwajwachili ika
itsonkal. Iwa nochi n kali omoajwiali.



Ijkuakó Judas Iscariote, seme de n májtlakteh iwa ome itlamachtijkawah, oyá omotlatlapowito iwan tiopixkeh non tlayakantokeh para kinmaktilis n Jesús. Ijkuak okikakeh tlan okimilito, opakeh, iwa omokajkeh kimakaskeh tomi. Ijkuakó Judas opé kitemolia kemia okachi kuali para kinmaktilis n Jesús.



Itlamachtijkawah okichijkeh kemi
Jesús okinnawati, iwa
okimajmankeh n tlákuali de Paskua.
Ijkuak otlakuajtakah, Jesús okónanki
paj iwa omotlasojkama inawak Dios,
iwa ijkuak yokitlajtlápanki, okinmák
itlamachtijkawah iwa okinmili:

—Xikmomajsewukah, ye nin
nokuerpo. Ijkuakó okónanki
n kopa, iwa
omotlasojkama
inawak Dios.



Okimpanoltili itlamachtijkawah iwa
okinmili: —Nonnochteh xikonikah,
ye nin noesso non ika
nimotlajtolsenkawa nomowah, nin
noesso motoyawas para miakeh
makintlajopolwilikah intlajtlakolwah.



Satepa okijto: —¡Simón, Simón, xikkaki! N satanás yonomechtlájtlanke para nomechtsejtselos kemi kitsejtseloh n trigo; pero Ne yonimotiotsajtsili para amo xikpolo motlaneltokalis. Iwa ijkuak timoyolpatlas, xikinyolchikawa mokniwah. Pedro okili n Jesús:

—¡Noteko, nimotemaka nias mowa maya manechtsakuakah noso manechmiktikah!


Jesús okili: —Pedro, Ne nimitsilia achto de tlakuikas n kaxtil, te tikijtos eyi welta, “Amo nikixmati.”




Satepa Jesús oyá iwan
itlamachtijkawah kan se
werto non itoka
Getsemaní, iwa
okinmili: —Nika
ximotlajtlalikalikah, Ne nepa
nio nimotiotsajtsiliti. Iwa
itech itiotsajtsilis okijto:
—Abba, Notajtsi, Tejwatsi
nochi weleti tikchiwa;
xikachiwa nin tlaijyowílistli
non wits notech, pero amo
mamochiwa kemi Ne nikneki,
yej kemi Tejwatsi
tikmonekiltia.



Ijkó kiné, Judas okinyakantiwalaya miakeh soldadojteh iwa sikimeh tlamokuitlawijkeh de n Weyi Tiopa. Ninteh okwalintitlankeh n tiopixkeh non tlayakantokeh iwa fariseos. Yejwah okwalinwikayah kuaujmech non xotlatiwitseh iwa lintérnajteh iwa téposteh.



Ijkuakó seme de yejwah okikojko se itékitki n tiópixki non okachi otlayakantoka, ni okitekili inakas non iyekma. Pero Jesús okili: —Xikinkawakah, ¡yayakmó xikinkojkokah! Ijkuakó Jesús okitelkoli inakas non tlakéwale, iwa owalpajtik.



Ijkuakó okikitskijkeh n Jesús, iwa okiwikakeh icha n tiópixki non okachi otlayakantoka, iwa n Pedro san wejka okintokaya. Ompa itlajkotia n patio otlatlatijkeh, okiyawalojkeh n tlékuili iwa omotlajtlalijkeh; noiwa n Pedro omotlali inwah.



Ijkuakó se itlákau n weyi
tiópixki non ken okitaya
n tlakéwale akin Pedro
okinakastsontek, okitlajtlani:
—¿Amo te noiwa onimitsitak
iwan Ye, kan werto? Pedro
oksepa okijto amo kixmati,
iwa san nima se kaxtil otlakuík.
Ijkuakó Pedro okiski iwa satlawel ochokak.





Ijkuakó nochteh owalmokeketskeh,
iwa okiwikakeh n Jesús inawak
Pilato. Ijkuakó Pilato okitlajtlani n
Jesús: —¿De milajka te inrey n
judíojteh? Jesús okinankili: —Milák,
ijkó ken yotikijto. Pilato
oksepa okintlapowi n
tlakah porke okinekia
kikajkawas n Jesús. Pero
yejwah oksepa otsajtsikeh:


—¿Xikkrusifikaro! ¿Xikkrusifikaro!




Ijkuakó Pilato okinmaktili n
Jesús para makikrusifikarokah,
iwa yejwah okiwikakeh. Ijkuak
Jesús okiski de Jerusalén,
okimamajtiaya ikrus imilajkayo
n lojar non itoka
Miketsontekomatl, non itech
tlájtoli hebreo omonotsaya
Gólgota.



Ompa okikrusifikaroykeh n Jesús
iwa n ok ome tlakah ik
inajnakastla.



N tonati okualok, iwa n kortina de n Weyi Tiopa,
otlajkotsáyanki. Ijkuakó Jesús ika chikawak tlájtoli
okijto: —Notajtsi Dios, momak niktlalia noespíritu.
Ijkuak ijkó okijto, omikki.



Ijkuakó owala n José de n altepetl
Arimatea, akin tewa okatka de n
Sanedrín. Ye noiwa okichiaya
ijkuak pewas tlanawatis
Dios, omoyolchika iwa
okitlatlaujtito n Pilato
makimaktili ikuerpo
n Jesús.



Ijkuakó José okitemowi n kuerpo de
kan krus iwa okikekemelo ika se
tlakemitl de lino, non ye okiko.

Otlanki okitlalito ikuerpo n

Jesús kan se

miketékochtli non

okichkuakeh ipan

tetl, iwa ika se weyi

tetl tankachtik iwa

patlaktik okitentsakeh
n miketékochtli.




Non ok se tonati, n tiopixkeh non
tlayakantokeh sansikah
iwa n fariseos, okitath
n Pilato iwa okilijkeh:

—Otimitsonitakoh
tejwatsi, porke
otikilnamikeh ijkuak
oyolitoka neká
tekajkaya, okijto
ipan eyi


tonati
moyolitis.



Yejwah okiyektentsakuatoh n
miketékochtli, iwa itech
non tetl okipepechilijkeh
se seyo. Iwa ompa
okinkajtejkeh sikimeh
intlamokuitlawilwah.




Ijkuak yopanok n sábadó ijkuak
mosewia n judíos, iwa
yotlanestiwalaya n domingo,
ipewaya n samano, María
de Magdala iwa non ok
se María owalajkeh
okitakoh n
miketékochtli.



Sannima chikawak otlalólinki,
porke se iángel Toteko Dios
owaltemok de ilwikak, iwa
okalakito kan miketékochtli,
okaachi n tetl non ika
otentsaktoka iwa ipan
omotlali. Ijkuak n
tlamokuitlawijkeh
okitakeh,


sa tlawel
omomojtijkeh iwa
asta opé bibiokah
iwa omokajkeh kemi
yetoskia yomikkeh.




Pero n ángel okinmili n siwameh:

—Amo ximomojtikah. Ne kual
nikmatok nomejwah
nonkitemoah Jesús, non
okikrusifikarojkeh. Mach
ok nika kajki, Ye
yomoyoliti ijkó kemi
okijtojka. Xiwikih,
xikitakih kan achto

owilantoka.




Ijkuakó n siwameh owalkikistiwetskeh de
kan tékochtli, majmaujtiwih pero noiwa
ika pakílistli. Omotlelojkeh
okinmatiltitoh itlamachtijkawah.
Ijkuakó Jesús okinmonextili iwa
okintlajpalo. N siwameh
omijkuanijkeh inawak,
okikxinawajtekeh iwa



okiweyijkachikeh.





Satepa Jesús okinmonextili n májtlakteh iwa n se
itlamachtijkawah ijkuak otlakuajtokah. Ye
okinmajwak por amo okineltokakeh iwa por
okitlakuawaltijkeh inyolo ijkuak oksikimeh okimilijkeh
Ye yomoyoliti. Satepa, ijkuak Toteko Jesús yotlanki
okintlapowi itlamachtijkawah, otlejkok ilwikak iwa
omoyayanti iyekma n Totajtsi Dios.



'Totajtsi Dios saikpanoa okintlasojtlak
n tlaltikpaktlakah, yika okitemakti non
sanwel Ye se Ikone, para nochteh
akimeh kineltokaskeh amo
mamoixpolokah, yej makipiakah se
yankuik nemílistli non ayik tlami.



Romanos 3:23

Porke nochteh otlajtlakolchijkeh, iwa okimopolilijkeh iweyijkachiwalis Dios.

Romanos 6:23

Porke n tlajtlákoli tetlaxtlawia ika mikílistli, pero tlan Dios kitetliokolia ye n nemílistli non ayik tlami keman tiseititokeh iwan Toteko Cristo Jesús.

Hebreos 9:27

Tejwah tinochteh timikiskeh san se welta, iwa satepa Dios techixkomakas.



Efesios 2:8,9

Yika por itlasojtlalis Dios, nomejwah ononmomakixtijkeh por ononkinetokakeh, amo nomotech kisa, yej porke Dios onomechtliokoli. Amo onomechmaktijkeh n temakixtílistli por ononkichijkeh tlan kualí, para amaka mamoweyili.

Romanos 10:9,10

Tla ika mokamak tikijtos Cristo Jesús ye Moteko, iwa itech moyolo tikneltoka Dios okiyoliti de kan mikemeh, Dios mitsmakixtis. Porke ika moyolo titlaneltoka iwa Dios mitsita tichipawak, pero ika mokamak tiktematiltia tikneltoka Cristo para mitsmakixtis.



San Juan 3:16,17

'Totajtsi Dios saikpanoa okintlasojtlak n tlaltikpaktlakah, yika okitemakti non sanwel Ye se Ikone, para nochteh akimeh kineltokaskeh amo mamoi XPolokah, yej makipiakah se yankuik nemílistli non ayik tlami. Dios amo okwáltítlanki Ikone para kintlajtlakoltis n tlaltikpaktlakah, yej okwáltítlanki para kinmakixtis.

1 Juan 5:11-13

Ijkó Dios yokijto: tejwah yotechmák toyolilis non ayik tlami, iwa nin yolílistli kajki itech Ikone Cristo Jesús. Yika, akin kipia Ikone Dios, kipia yolílistli, pero akin amo kipia Ikone Dios, amo kipia nin yolílistli. Nomechintlajkuililia ninteh tlájtolteh nomejwah akimeh non kineltokah itech Itoka Ikone Dios, para xikmatikah nonkipiah n semijkak yolílistli.



San Mateo 26-28; San Lucas 22-24;
San Juan 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Natuatl, Southeastern Puebla NT (npl) © 2011,
Wycliffe Bible Translators, Inc. All rights reserved.

<https://live.bible.is/bible/NPLWYI/MAT/1>

©2026 Bible for Children, Inc.

www.M1914.org

www.bibleforchildren.org

